

唐秘書省正字先輩徐公鈞磯文集

唐秘書省正字先輩徐公鈞礪文集卷第三

徐 賞 昭夢 著

賦

太極生二儀賦

太極何名其形混成畫一氣以中斷區二儀而始生
厚載者所以凝其濁高明者所以厚其清吾嘗究天
地之初洞胚腴之始本無兆以無朕竟何聽以何視
茫乎大醉之鄉寂若無生之理我形影以都秘我音
響而未起混沌將至唯聖乃出隨我聲而發音響逐
我象而設形質於是上泝無邊昭然廓然營空碧而
星辰錯落豁東西而烏兔高懸漢玉奚水河銀昌泉

無得而踰六律而宗成大化不言而信四時而飛作
流年此一儀者天也上以昭宣復以一撮之多九垓
攸布聳華嶽以西峙洶滄溟以東注蔓延生植滄洋
制度何舟何楫凌開白浪爲程誰馬誰車碾破青山
作路此一儀者地也厚惟固護嗚呼太極故兮二儀
新二儀新兮四象分我目明兮所見耳餘聽兮所聞
五色成章炳煥而光昭朴素八風從律淒涼而吹散
氤氲彼天得一而清地得一而寧秉造化之鈞軸絡
虛無之紀經莫不潤之以風雨鼓之以雷霆揭大象
以垂象鞠無形而有形然後伏羲聖黃帝靈龜龍負
而乾坤定位文籍生而詐僞開焉但見高極九重下

盤四角日昭朝兮月昭夜融爲川兮結爲嶽既將入
我死而出我生亦何必剖先天之清濁

員半千說三陣賦

天地人陣者其誰以測惟聖主之嘉問伊賢臣而洞
識莫不陳七德機要叙三才楷式願同尚父干戈永
佐於周朝敢學宣尼俎豆將言於衛國乃曰臣聞天
陣則上考璿樞明玠計虛運星宿而吾君堯舜叱風
雷而敵國丘墟斯蓋出黃石之妙訣又武侯之秘書
臣謂其不然也出兵者在乎信及寒暑義如時雨春
發生兮當養士冬肅殺兮當耀武斯則得天道兮合
天時不可長天時而逆天取此天陣以明焉微言可

補又聞地陣則察土分疆坤盤艮長隨向背而翼鵠
鶴順山川而羅紀綱所以韓信背水而趙滅孟氏焚
舟而晉藏臣復謂其不然也其用兵者在乎饒金富
粟兵雄食足先耕而九載思蓄後戰而三軍不分斯
則分地利而得地財豈有兵未征而農不斲此地陣
以明焉微言可錄又聞人陣則勇氣生風精神貫虹
天橋而常山躍地彎環而皎月懸空可與樂毅論將
穰苴比功臣復謂其不然也且爲師者在乎帥師將
肅連營敦睦忠爲甲兮信爲冑身爲弓兮德爲轡指
日烹齊國之牛反掌拾秦原之鹿此則協人意而得
人心豈有人意和而兵不服此人陣以明焉微言可

祝高宗乃知天陣則不必占彼星躔地陣則不必恃其山川人陣則不必仗其驍勇唯德義而三軍勝焉

文王葬枯骨賦

因掘地以及泉見窮塵之委骨陳葬禮以外備實仁心之內發義之克著幽可貫於鬼神德之孔彰明可爭於日月初其取象茫洋開蕪鑿荒幽宅幾壞遺骨遂彰伊彼役者奏於文王王乃掩袂而矚興懷而傷莫不蔓草繁白陰苔染蒼恐是往古豪傑昔時聖哲澤物名光忠烈宛是其死誰曰不然骨肉歸土神魂升天深谷爲陵波可知而茂爾佳城不見爲我主以收焉於是召有司具明享賻以衿褻蓋諸泉壤以遐

返過飛聲走響遂使億兆民庶以來歸八百諸侯之
缶仰設若不逢君子倏遇小人必應視同塵土棄若
灰塵既立墟而莫問在封樹以無因則烏鳶是啄螻
蟻是親幸將不遇小人獲遭君子而乃覩之而骨驚
感之以心死爰拾之於彼葬之於此蓋將斯骨以喻
我以已不欲而行之於彼可使見之者悲聞之者喜
以至誠賓萬國之臣若滄海走百川之水嗟夫存歿
殊塗幽陰鑒乎爾薨奚在爾肌以枯何得上測於睿
哲而再向其塗芻則宗周之仁也不獨及於有情而
必軫於觸類祝網之帝不足以言其仁泣辜之君焉
可以叶其義得不啓之十代延之百祀俾後之制禮

垂教將掩骼埋胔者也且王於邦而至大骨於物而
至微我不以大而自貴不以微而有違以仁不足爲
我罪以物失所爲我非是以勞瘁無數皇寧甚稀骨
尚惻於窮泉下土豈惟於獸走禽飛故得九齡者上
帝所錫九國者西玄允歸以孝治天下也亘萬古以
光輝

五王宅賦

明皇以孝悌爲此地宅而宸遊永賒淒涼而境空鑠
悵望而渚已遐鳳去鸞歸秋葉落梧桐之樹年來歲
改春風遺棠棣之華當其龍虎俱來蚪龍並轡觀風
而玉輦停駕選勝而金鑪負地天師魯匠新土木以

宏規月殿雲樓破荆榛之積翠既而甲第煌煌維城
道

帝子天子肅睦而寧王

薛王絳霧彤霞從仙都之八面風臺水榭引蓬島於
中央不類遷都平分於宅爲星之渚同數比夾之龍
並跡聖主之千聲羯鼓洛水風清岐山之數調胡琴
嵩山月白瑞氣飄空蘭深麝濃連雲之飛閣鏤鳳象
海之清地勢龍解慍風帝舜之琴雅奏興歌立德
太康之弟相從莫不以嘉樹濃烟崇牖破日金聲玉
韻以總起夏萼春叢而剪出虹梁綺棟眩天地以量
功舞態歌容掌神仙而比質一旦袞冕參差外遊紫
微華屋之悵帷蟲蟲深院之樂爐燕飛時移而玉笛

難尋清商泯滅事往而金牌尚在御墨依稀徒令攀
詠皇風追思聖德傷宴御以綿起遶周垣而嘆息王
侯之地宅雖多未若開元之有國

駕幸華清宮

明皇帝號天上來華清宮兮雲際開離紫禁而千官
捧日出清門兮萬騎屯雷巫山之翠珮珠璫皆移雲
雨洞府之霓旌絳節盡去蓬萊當其鯨海澄波驪山
疊翠架瓊宮玉殿之宏絕鎖萬戶千門之祕邃上以
我無爲而國無事記一千年之歷數富有寰瀛起五
十里之烟霞長懸夢寐於是躍馬駉龍烟馭風從從
我者七貴中貴翊我者姚公宋公蒙茸之組繡烟花

香隨輦路錯落之星辰日月影射虛空及其鰲負瑤
臺架生玉藥翔駕振鷺以環列九棘三槐而森峙玉
帛駢積桴航萃止隋侯明珠兮飭車馬霧縠雲羅兮
縈步履飄蘭散麝薰昭應之香落翠遺珠通衢新豐
之市驚驚麒麟禎祥日臻朱閣拜元元皇帝金車迎
號國夫人其有夜光枕貴玉藥冠新春五王之燕語
倚六相於陶鈞其或露冷仙掌波出渭津河漢佳期
七夕會牽牛之什雲天勝賞中秋迎顧兔之倫莫不
龜島祈年堯龍奉職真人羽客兮薦方術朱草靈芝
兮表生殖詩成而玉甕題新雲滿而溫泉暖極汎宵
可止期駭彩鳳之翔光景難留誰束金烏之翼諫切

維納思深半感祿山已變猶期其十月來王林甫既
合省其多方靈國竹語絲喧中元上元葉靖之靈
升舊得花奴之羯鼓新翻人間有大貝明珠皆歸咸
里世上無清歌妙舞不屬梨園是何樂極悲來時移
代促燕中之鐵馬俄起環上之羅衣莫贖華清宮觀
兮閨無人山青兮水綠

再幸華清宮

明皇以既剪漁陽塵清帝鄉自蜀郡而初還輦輅幸
華清而幾隔星霜巍峩而紫府洪都重開聖日牢落
而金門玉戶幾閉春光是何樂極難期繁華易時
易而鳳髻成夢歲晚而龍顏皓首嬪嬙零落寧逢舊

日之人耆艾扶携尚獻新豐之酒但見禁柳愁烟宮
槐暮蟬苔昏而鏡落金殿岸改而湯催玉蓮嬌首蛾
眉遺跡而空存處處落花流水無言而但送年年足
令左右含悲君王墮曉塵泥漸委於花逕歲月潛更
於冀英金沙洞濶淒涼而午夜流泉玉蘂峯高騷屑
而一宮紅葉榮謝相催心腸似摧天在而城懸二日
星移而幾別三台金戟凌霜劍閣而曾悲幸去銀蟾
皎夜月宮而長憶遊來蟬寄花鈿星流笑臉陽臺之
吉夢初斷盛裝之香魂已散解語之珍禽不見琪樹
空高長生之白鹿空還朱扉半掩衆薦塵縹屏影
移雪衣龍在霜殿松癭雲母波輕遶岸之清連自改

相思樹老滿山之紅實空垂已而玉笛休吹霓裳罷
制秦原杳杳以西接渭水悠悠而東逝空吟其刻木
牽絲比人間世

卞莊子刺虎賦

人雖至靈虎且至猛此靈智以終刺彼猛暴以何騁
固在戮力亦唯三省誰氏之子人爲卞莊有力如虎
提戈若霜爾聞力我則非敵我聞知爾何以當始其
三徑無人二虎遇肉俱貪而送涎豐草不嘯而風停
還谷我將愛其文而玩其華必冀扼其喉而剖其腹
然而以寡制衆彼雙我獨雖言肉視詎得心服乃即
客前而言曰貪夫徇利君子俟時且肉之美者虎乃

啖斯啖飽則鬪鬪極則疲威稜之大應以縮爪牙之
利何以施將一刺矣必兩中之亦猶秦王克韓魏俱
滅漁父獲鷸蚌相持物之理也君宜念茲不然則虎
非爾所得爾爲虎所資於是拜其言伺其便不躁進
不自銜思曹劌之往畫法李陵之獨戰俄而肉旣盡
勢果爭齧牙而龍鱗森齒牙駘而雲雷霹聲樹拔石
裂陵摧谷傾風毛羽血以狼藉地轉天旋而震驚於
是氣衰力怠彼竭我盈巖陰而歸鳥皆散野迴而殘
陽半明負者可以檻勝者可以烹下莊乃肉袒歛起
持矛迅征定奔而飛箭寧速身捷而鴻毛未輕爾
將極我時以亨遂一麾而並進如拾芥以將行射絕

塞之石頭胡爲等價去南山之白額未足齊名我則
視若井中料如儿上斬蛟奪劍者其心未壯探龍取
珠者其事應誑蓋感人進言神符厥望設若不取善
言而善何以師不待物聞而物何以喪如此則爭雄
負勢之徒宜覽斯而惻愴

鑄百鍊鏡賦

十數鍊者未足爲明一百鍊者方爲至精祝皇帝以
終貢命良工而鑄成威疑碧渚沅泉蛟龍欲活折下
青天皎月蟾兔如生淮南王以地產真金天生哲匠
開爐呈造化之術爲鏡照星辰之象可以人閒第一
法軒轅臺上之規天下無雙掩秦氏宮中之狀匠者

曰金雖精則不鍊不神鍊有數非百之不一新又曰火
爲陽晶午爲陰月陽得陰則百工備陽失陰則萬化
闕臣今選五月五日之亨吉爲鍛乃礪之始卒而又
就澄澈革昏沉擬犯烏光於天上乃維鷄首於江心
亦以水能鑿物火能化金念器大以晚成其功乃倍
及人生之不滿厥數方深沉乎空斷飛鳥人稀碧潯
顧採艾之輪蹄應難竊視縱升天之難犬莫得遙臨
提其燭火吞光冰壺慘冷懷金而麟鳳相次挂玉而
狐狸難屏陶鈞即數同枝頭赤仄之多焰燭無瑕啓
匣裏青鸞之影王曰吾秦之鏡也可以照肝膽可以
憎奸邪吾將驗彼彼將妄耶且閭樂之奸邪曷隱趙

高之肝膽誰遮遽至於素車白馬絕國亡家今斯鏡
也用其鑒形容定妍醜比君德之不昧論臣心之無
苟於是持百鍊而獻九重惟拜手稽首

玄宗御註孝經賦

明皇以孝理生靈財修紫庭表後主之新鑒注先王
之舊經立身行道之文昭如繡縟資父事君之要煥
若丹青開元中以儒道風行皇明日皎刪六籍之興
秘定百家之多少顧左氏經標玄默義理猶淺豈宣
尼典急君親源流未顯於是鏡豁宸衷天開聖聰由
粗及精刪踏駁於千行之內從無入有續絲綸於百
日之中可以來者無猜學徒洞識三千罪盡顯天鑒

十八章皆流御墨九門翕集清博鄒魯之風萬室雍熙普詠文明之德浩浩沄沄詳言糾紛素言行在而猶隱聖主躬修以具分高深如山嶽江河遐開地理炫燿比星辰日月上燭天文蓋以首毀強秦遙興大漢歲月頗謂其綿邈傳寫或多其紊亂朕今屬事比辭飛文染翰冀使爲臣爲子之自我而行窮經博古之人從吾屢讚皎皎明明神功生成甲乙之良宵不穀曾顏之密行俱呈揚名後代之人俾傳白社在上不驕之義白表皇情故得極思九重研精一卷旌孝悌以爲教剪繁蕪而罔倦然後勒貞石而建高臺萬祝千齡兮誰激勸

割字刀子賦

物有至大而無所爲物有至小而功且奇當彩筆臨
丈之際見鉅鋒入目之時改雕蟲篆刻之非重修麗
藻正垂露崩雲之誤盡在瑕疵觀其寸鐵雖輕尺書
可理磨礱本自於良匠玩愛式歸於君子封章是段
常挑鸞鳳之蹤淬礪非多不損益益之水文近倚馬
多參解牛割獎能新於鳥跡推剛幾觸於銀鉤削染
翰之繁蕪入行宛定笑磨鉛之濫拙一割何求則知
用自名賢成固在冶別瓊牋而疏玉無異映月字而
連環是假通書憲之琴鳥欲謂割難制遷史之姓名
何慙斬馬起余之思在青雲憶王祥之贈者

釣磯文集卷第三

唐秘書省正字先輩徐公鈞璣文集卷第四

徐 璣 昭夢 著

賦

止戈爲武賦

書契天設文明日新將究止戈之義式彰爲武之仁
足還太素以壽生靈志肅三軍欲至理而生乎至理
論歸八法見古人兮教以今人昔者楚莊薄諸晉國
小臣請築於京觀厥王乃陳乎道德謂臨戎制勝誠
不在乎干戈示子傳孫事宜規於翰墨且武也者戰
而不陣師克在和考其字以因明所字止其戈而焉
用其戈願劍戟而棄於農耕賢哉若彼問軍旅而對

以俎豆聖也如何別乎伏羲畫卦以窮微蒼頡造書而允中於會意以無怠實臨文而可諷下破山而加點理絕乘危上擬戍以無人誠難動衆以五兵爲武者非武之資合兩字爲武者是武之奇當用究言而不用有爲詎及於無爲鳥跡斯驗人情可窺亦由月並日而明焉其儀不昧秋懸心而愁矣厥義成知是直遵史籀之文贊昇平之主兩階屢舞以稱聖七德交修而曰武亦何異威而不猛宥刑而提提寧施捨之而藏得衆而釜蹄奚睹今我后洞窮經之旨知爲君之難功不辜而八蠻自服書同文而萬國咸安列聖推凶我則懷遠而柔邇前王伐罪我則去殺而勝

殘故得文物重新妖氛自殞盧人之百鍊寧問呂望
之六韜可委士有偶明試而賦止戈獲贊皇風而之

垂衣裳而天下治賦

大道純素明君御乾垂衣裳而教被率土氓智慮而
恩覃普天瑞袞冕於九重威儀備矣走車書於萬國
文軌同焉聖人以象合乾坤育涵臣子握金鏡而破
昏黑啓瑤圖而昭禍祉溫恭允塞損耳目以無營施
黼垂旒致邦家而自理不出宸居潛孚聖謨虛己而
應乎萬有戒私而契彼三無引日月之長裾遐蘇品
彙雍星度之法服自化寰區於是負宸形闡凝情寶
位播亭毒以無黨表雍熙而自有山龍煥爛映黃屋

於長舒風雨迴旋仰洪猷而克遂豈不以義頌齊教
聿變在官德所至今天高地厚信不憊兮春煦冬寒
佩華藻以常閑九章惟麗頃空是之所覆萬姓皆懽
允紹二皇式宇九野尊以居上敦協和而在下
飄紫宸而楚楚道泰生靈臨丹陛以謦謦塵清華夏
赫赫巍巍功高二儀法希微於視聽守玄默於歲規
自然淳朴將至生成周虧苟人文之未化勞輟跡以
何爲豈若黼黻光中德及於昆蟲草木圭章影裏澤
流於地角天涯士有珪璧常輕光陰是重趨明代以
求試望丹霄而翹踵若同軒后爲臣願讚於求衣才
匪相如獻賦敢歌於垂拱

入國知教賦

天闢區宇人尊帝王國將入於封邾教先知於典章
不宰成功乃合乾坤之德無私鑒物能齊日月之光
昔仲尼制禮之則諭君之德爲萬乘之謨猷目六經
之楷式將欲明其教必在遊於國溫柔敦厚出風雅
之詠歌比事屬辭本春秋之黜陟協彼典誥諧斯禮
文廣博而樂章具有精微而易象爰分先王所以總
斯御物體彼爲君遂使足歷四門親愛之儀已覩身
由萬戶民從之義皆聞莫不周鑒金湯潛量王霸富
樂和政以攸類陳詩觀風而相亞是以逢耕讓畔得
先人後己之規察鳥安巢驗惡殺好生之化今吾君

以興帝業赫皇明以謙柔而教蠻貊以朴素而教公
卿以節儉而教百姓以農耕而教五兵自然八方走
響六合飛聲豈俟入乎閭閻方能知彼規程其或跋
扈未殲陸梁未向可使拜天闕而俯德趨帝闕而引
望俾其退而補過警千羽之舞階進以盡忠報聖明
之在上士有負書紉出林巒謁九門而教化斯仰瞻
百辟而威儀可觀則知不上泰山豈覺寰區之大不
浮東流寧知溟渤之寬敢不廣義路探忠甲開閭闔
以聽聲詩賀仁沾而恩洽

豐年爲上瑞賦

聖祚開國文皇應天以豐登之有歲作祥瑞於當年

重彼梁盛五稼而誠宜在上考諸圖牒四靈而莫待
居先當其衆類呈祥明君建義將垂萬世之範迺出
百王之智爲其三農百穀普爲四海之資驚驚騶虞
空表一人之瑞於是列示休徵義農教行調風雨則
桑田自稔重龜鶴則倉廩寧盈我貴嘉禾朱草之庭
前漫吐我滋甘澤慶雲之天際休呈四序和平三時
播種蓋將何寶以爲寶不以無用而爲用且夫寒暑
相從成歲順風如雲之稼穡千畝擊壤之歌聞四聰
斯則家給人足時和歲豐縱鳳不止於高梧之際麟
不遊於靈囿之中又豈能損民力虧朕躬至如歷候
不常陰陽反是甫田屢失於刈獲庶物不勝其殘毀

米色咸若豆分於此縱然出醴泉而浪湧波翻降甘露而珠英玉藥然而不濟飢饉何足依倚豈若敬奉天時從其所宜升合穎秀岐之事冠素雀神烏之爲罹畢沾濡麗日之重輪在下如茨委積華芝與玉秀俱卑偉哉以年爲瑞者富於玉靈以物爲瑞者詭於耳目欽哉以我后之至德承太宗之景福士有觀大國之光輝敢謳謠於邦國

福善則虛賦

聖人曰天本無私福惟佑善易云鑒之將昧考前言而盡鮮窮達而爲焉有命莫究慘舒吉凶而未必由人誰原昧顯善吾將議彼穹蒼其靈不常安得勇力

首或昌進德者或亡忠讜者或罪誦佞者或彰孰云
必育餘慶屢聞反受其殃且聞暴莫暴於殷紂虐無
如於夏桀聖莫大於孔父智莫過於顏氏那令辛御
極以爲君癸承祧而化民孔泣麟而嘆鳳顏命天而
居貧亦何用仰日月祈鬼神胡不沈暴虛生聖智影
響殃咎權衡嘉瑞移辛癸之位於孔顏之才賦孔顏
之才於辛癸之位是何徒濶清明虛垂日星謂其覆
而匪覆驗其靈而不靈在溫良道德之家不鍾祿位
於悖逆荒淫之室不震雷霆焉得盡立明誠不欺暗
室非惟祿善以增膠復見禍淫而罔實君或驕而臣
或叛自此而生子不孝而父不慈由斯而失嗟夫利

害相磨殊非一科雖賢愚之異稟竟天濁以同波然
吾終身而積善不知天道以如何

歌賦

楚襄王 魂初驚高堂賦成因命酒以將飲遂聽歌
而適情於時白雪音屬陽春調清命宋玉之雄藻賦
貫珠之妙聲玉乃避席而起請陳其志曰臣聞樂以
象其聲歌以陳其事樂也者六律不得不正歌也者
五音不得不備是故宮不亂而爲君商不亂而爲臣
徵不亂而爲事角不亂以爲民羽不亂以爲物五音
備以爲真如此則天地同和陰陽代順一謳而王道
敦化再唱而民心端信逆氣亡衆姦聲匿韻三光以

照而不昧萬物以類而相振然後君臣序而父子親
五音隆而四賈濬斯爲治世之音可同休於堯舜至
如宮之亂兮君荒商之亂兮臣亡徵之亂兮事失角
之亂兮民傷羽之亂兮物墮五音怪而改常如此則
寒暑失時邦家自咎唱予而毒慘諸夏和汝則災生
九有鬼神不享社稷非久乾坤之紀綱潛紊麟鳳之
禎祥莫偶然後享瑟蛟而夷狄驕兵革飛而戎車走
斯爲亡國之音可同風於桀紂其爲樂也不在玉管
朱絃其爲歌也不在乎燕娥趙姬隔巴濮採聲詩樂
府陶匏自本黃鐘之律姑蘇麋鹿誰聽白苧之辭王
曰斯賦之盛珠輝玉映可以發昏蒙佐明聖爲前古

之楷式作後來之龜鏡非寡人之所知敢不承天之命

竹篋子賦

東海生將治巾櫛貧無玩飭劈破烟筠刮殘霜色衰
髮收利秋蓬目植乃有繡較王孫光餘席門嘲謔斯
玩薰蘭厥言曰先生不見南越之絕珍華開發犀角
磨水象齒披月皎君素手滑君綠髮朱邱豪商持金
買將星流掌握雪瑩巾箱胡爲鬢枯澁滅髮撩相
東箭催勁緹望罷吹簫園烟肥霜零葉萎銀床又醉
橫簾析澤比君之玩代君增愧惟大丈夫藏金斛珠
雕瓊鏤璧錦帶羅襦幽骨窮巷諭人壯圖東海生曰

余居之窮也風號絕徼山枯鬼嘯黃雞唱午靈鷲末
照槐棟蛇吟寒牀雨深跳踉媚龜舊井無禽又數之
蹇也塞鴻漸陸金堤折軸玄蹄若神敏手如求青雀
公汎黃灣覆舟磨磨檻虎鼠嚼郊牛君門咫尺獻書
山隔駕馬卧栗龍媒負輶綺語黃言爲犀爲璫衛退
遽瑗堯遺八元天斗虛粟均人之祿陰尺神刀剪人
之福余則朽枿陳羹呼春不來塊消而土燼盡而灰
焉能搜奇挾望爲玩爲好弓影攻疾菱花照老且聞
范攄之功修諸禮容容之在肅禮之在恭容之不肅
奚犀奚玉禮之若恭爲鳳爲龍又聞熒煌易滅葱蒨
易折知白守黑萬壽不絕早禱滂沱祥雲若何飯侍

嘉谷靈芝孔多列國遺史恨四公子削珉爲替編珠
爲履冠劍魚鱗爭奇關珍寶肆開後龍宮訴貧信陵
能下止屠門者被褐則真狐裘則假田文二千禽蹄
一馬摧移勢改門羅雀懸平原十九毛生最後我有
嘉賓莫孔之醜春申甚寬誰屠李園朱門故人何人
死恩君子中庸奢亡儉存嘲我竹筵酬澗芻言銘諸
坐隅永貽後昆

不言錢賦

言者三端之本錢者百貨之源反其本以行已杜其
源而不言如逢朽貫之資我辭遽嘿自負不貪之實
吾道常存昔王衍以東晉季年金陵薄俗恨朝野以

爭競倭緡錢而縱欲化爲糞土填巨壑以難盈湧作
波瀾濯漏卮而不足豈惟紫閣名臣紅窓美女有私
而盡以藏賄無德而何嘗潤身夷甫乃怒於彼以心
誓忿於時而氣振所以塵尾高談肯說五銖之號鶴
裘換酒同思四壁之貧泉貨寧懷樞機永秘何曾之
十萬休述和嶠之癖多罷議賓階砌下誰云苔點之
圓貨殖傳中諱却金錢之字衆多愛兮積聚奢淫我
所愛兮惟財與金在乎心惡以言寢可以觀言而見
心任同臭以驚時豈論崔烈任而飛而滿屋靡說黃
尋且夫百萬美若仁銷義鏤豈不見一惡而懼百非
口非言而心嫉惡金相馬埒休詢王濟之片爲山積

鹿臺莫問殷辛之禍作蓋傷其濁世澆風貪婪莫充
無苟祿者尤寡終不言而易同斯時也道德雖盡銷
刀削空斯人則與世垂範端身固窮手近青蚨先納
青黃之口內眼觀偷笑預絨枝葉於胷中則知不立
殊見寧議衆醜他拭目而余目彼鑊金而此金口
異哉不談人過不語亂神與斯人而善偶

朱雲請斬馬劍賦

朱公以紫殿之下明誠洞寫伏心劍而上請神劍非
斬馬而不除害馬則知堂堂者多謬謬者寡是何抗
萬衆而不懼覺千官而盡啞昔張禹以軒冕魏我爲
王者師攀龍附鳳於魯漢陰慘陽舒於片辭不畏神

本葉前十行刊於以下據金唐文寫補

怒惟專鬼隨中於人兮若配若盞漬於物兮如膏如
脂合殫者誰是替筆合殫者何人措詞雲則早奮忠
貞誓摧卬曲有又當斬對君必辱於時開九門兮左
日右月朝百揆兮鏘金佩玉鴛鴦方駢雲龍乍囑於
是演折角之雄辯趨逆鱗而上觸乃曰不諫非臣容奸
匪君臣聞上有厥劔利無與羣不爭乎鍾切玉不
並乎倚天決雲蓋是吹大宛之毛剝溼注之骨君幸
頒賜臣非僭越既將伸明代之朝命斷佞臣於大闕
今太傅以傲抗三公昏蒙九重陷君子於虬龍伏犬
進小人則蛇虺成龍固請刑於廣肆血被鉅鋒帝忽
色怒雲乃氣衝死為屍諫生寧面從將軍匡闕以稽

首天子逡巡而改容義匪伏蒲志大而諸侯瑣瑣芳
流折檻名高而四海喁喁胡不淬辭為鋒礪志為刃
拂訛濫以將退麾賢良而與進何必趨劍關將求竟
伊人而莫擯設若寶鏐將授昌言是嘉又何以見仲
尼之紀綱誅正卯之姦邪則王莽之偷宗社又安得
聞邪

江令歸金陵賦

陳祚以世六十年毒奢淫而忘險難運去而蠻奴北
面時來而江總西還傷心而昨是今非三台祿位觸
目而人非物在一片江山初其君但期天闕國無盤
石詩成而詠雪朔風酒感而迷魂蕩魄昌言直諫朝

朝而惟列七人列蠟燒蘭夜夜而長留十客一旦雷
卷隋軍驚風坐聞龍顏入井以魚伏鳳閣離居而豆
分於是嗟覆轍嘆浮雲拋建業之山河來朝魏闕捧
金陵之日月送與隋文斯人以鳥戀南巢萍流遠道
還吳而喜遂歸骨入境而鞠為茂草心感存沒淚橫
襟抱慘淡而煙迷遠渡杏浦波生蕭條而葉散悲風
金檀樹老廢壘無城行行復行霜凌夜葉壯心碎屬
國窮歸華髮生中臺將黃閣皆空荀池鳳去甲第與
朱軒不見謝墅孤鳴茂苑濤聲秦淮月色終史薄之
前夢嘆東昏之舊國雖信天命宜慙衰職豈不聞三
秦甲馬已過于泚水之陽二謝韜鈴克殄於壽山之

北則知盟輔者在乎外撫四夷中扶萬機建其策而
安邊卻敵致其君而端冕垂衣安得三閭天高但縱
殷辛之酒萬兵雲集未知遽緩之非果令位失家亡
君移國徒前恩不及於民庶晚歲卻還於舊里金陵
旺氣索然空唯見碧

闕字

二

涵淥水

釣磯文集卷第四

唐秘書省正字先輩徐公鈞璣文集卷第五

徐 黃 昭夢 著

賦

過驪山賦

以陵推國毀永紀窮塵為韻

六國血於秦秦皇還化塵塵驚而為楚為漢路在而今人古人但見愁雲黯慘疊嶂嶙峋時遷而金石非固地改而荆榛旋新愚聞周衰則避債登臺秦暴則焚書建國貴螻蟻於人命法豺狼於帝德兩曜昏翳九圍傾側扶桑幾里我鞭石以期通溟海幾重我驅山而要塞慘慘元穹嗽嗽七雄三農百穀以休務淬鐵磨金而獻功九州病萬室空韓趙魏以交滅楚燕

齊而坐窮家有子兮誰得孝國有臣兮孰効忠九野
分將焉作兆民之主諸侯吞盡方行天子之風星隕
九霄城長萬里血染草木肉肥蛇豕將欲手挂天刀
足挑地紀拙虞舜而短唐堯汚殷辛而長夏竢禍從
殃催川搖嶽摧金陵之王氣頓起蓬島之宮娥不來
黔首求主蒼昊降災天漢之龍髯倏斷沙邱之鮑魚
誰猜魑魅諸夏腥羶九垓於是宅彼岡巒兆斯陵闕
猶驅六宮以殉葬豈言蔓草之縈骨燠示儉於當時
更窮奢於既歿融銀液雪疏下地之江河帖玉懸珠
皎窮泉之日月嶸嶸層層不甯不崩斯高之喉舌方
滑劉項之雲雷忽興軹道一朝璽獻漢家之主驪山

三月火燒秦帝之陵今則草接平原烟蒙翠嶺想秦
史以神竦弔秦陵而恨永華清宮觀鎖雲霓作皇唐
之勝景

樊噲入鴻門賦

沛中之智兮勇鵬翻舞陽侯兮威曷論冒死而嘗輕
白刃匡君而直入鴻門卮酒彘肩豈讓匹夫之饒朱
輪盡數能扶萬乘之尊當其秦鹿無主項王赫怒誇
楚將於秋鷹滅沛公於蹇兔天地何少風雲可步海
蕩山振龍驚虎懼鳳麻誰傳鴻門晝闕湯池命酒歐
劍搖環氣隆準以斯挫血重瞳而欲殷鯢浪鯨波呀
呶於斯須之際禽龍獸宰炮燔於咫尺之間洵洵羣

心雄雄壯士詣閭闔而飛步怒豺狼而切齒僕視關
守掌窺戎壘嵩衡蓋數撮之塵溟海乃一泓之水身
輕白羽蹈烈火以非難手擘朱扉信春冰之可履走
雷呀雷金樞洞開麋鹿奔而羆虎至燕雀驚而鷹隼
來愚山可徙蘭柱須摧引龍躍於洪波秦人徒爾送
鴻鵠於碧落弋者何哉

闕下

漢武帝求仙賦

闕

隱居以求其志賦

以得志明時賢
人野悅為韻

小人之見今見以求利大人之隱兮隱以求志索其
居而弃世捐俗達其義而伺時藏器莫不濯足溪影
掛冠山翠不游徑而得康莊不出戶而窮天上自

英君衡為哲人偕伴鳳而藏羽盡規龍以螭鱗恭聞
舜雷澤而遊跡漢芒碭以潛身板築胥靡熊羆渭濱
芝歌商嶺以誰聽孤掛箕山而曷鄰雷澤之志兮志
於聖也芒碭之志兮志於天下得之則宅乎震海求
之必通乎巖野所以賓四門而總百揆揖遜皇王新
白帝而烹楚君魏魏宋社渭濱之志兮國傳王師胥
靡之志兮匡君佐時然後神契畋獵天開夢思三十
八代之承祧韜鈴自有五十六年之救旱霖雨常滋
商嶺之志兮以全真箕山之志兮於高節逃秦輔漢
以無失友帝朋巢而自悅蓋開析心以智光乎聖哲
志也者寂與心通隱也者憑乎志成并於心兮故可

以通造化貫幽明成於隱兮或可君兆度爵公卿志
不立兮吾息則隱志苟通兮吾道斯行君不見西棘
乘風上擊雲霓之路蟠泥得水高驤天漢之程奔塵
競路以彌惑絕跡深局而有得惑之者惑於澆濁得
之者得於幽默虱捫西華以持衡龍卧南陽而輔國
珞珞雲林之士方器巖廊攸攸市井之徒誰懷道德
亦由擇梁棟於闕一山索珠璣而在淵採綠蕙於樊
園刈嘉禾於南田其道要其理元嘗聞降蒲輪於
草澤天子求賢

山暝孤猿吟賦

以吟起殘暉客
頗情惻為顧

白日光沈青山影深伊萬籟以俱寂有孤猿而忽吟

隔樹初傳切切而來當暮景隨風更遠聲聲而飛下
煙岑當其疊嶂凌空微陽送客擁條之響俄發命侶
之音迴起揚清引濁如含莊舄之愁吐怨流哀不為
養由之矢增悵望兮動辛酸建陽小兮凝晚寒踰絕
壑兮度鳴湍悲風颯兮零雨殘澗草淒綠谿花墮丹
此處則臨岸爰笑攀蘿永嘆幾多之去棹來舟驚迷
島嶼無限之離魂別緒飛掛林巒感東西而怨行役
三峽山光峭空碧甯懸流而躋絕壁苔露結兮寒烟
白望帝冤魂長宏悵魂此處則抱樹驚曉號風向夕
峨嵋高兮劍峰綠愁殺巴人錦江暮兮筇竹秋悲纏
楚客山隱隱水渺渺孤猿吟兮何悄悄野駭麋鹿林

棲羣鳥往往於松蘿谷口嘯得煙昏時時向薜荔峰
前啼摧月皎斷續相催聲長韻微千林之紅葉雖墮
萬里之愁雲不飛嗒嗒嗒嗒休未休如迎靜夜歷歷
啾啾起又起似送殘暉足令掩耳備惶吞聲太息何
彼韻之增起欲我聽之暫息則知邊城雁兮高柳蟬
未若聽吟猿而慘惻

白衣入翰林賦

以玉關承恩遠
臣名德為韻

天寶詞人李謫仙兮誰能論出白屋而謁明主脫布
衣而為侍臣誰誇其麗藻清辭將承寵渥不待乎腰
金拖紫使掌絲綸則知人不英無以動乎邦國主不
聖無以振乎儒墨二美相契十齡所刻愚聞白之始

也宅岷峩鑠羽翼待風雲伸道德金門玉殿兮掛雲
夢乾象坤儀兮羅胃臆雲情鶴態歌劍嶺之秋光月
夜煙朝釣錦江之春色俄而入洛遊京懷珠袖瓊塵
中獨步酒肆陶情烏樓曲兮金石奏蜀道難兮神鬼
驚小隱乎林壑大隱乎帝城賀祕監兮薦英秀韓荊
州兮誇盛名於是鳳詔搜揚洪名振發長裾似雪兮
出圭竇縫掖如霜兮入禁闕冰姿玉貌別巢許之林
巒醉眼慵心豁唐虞之日月走騎飛軒街談巷言青
雲得路兮肌骨換白日昇天兮朝市喧編素麻衣朝
雜庶人之伍龍據虎變夕蒙天子之恩彩筆搦文彤
庭步玉碧山之微逸猶在紫禁之繁華乍來往往而

紅筵對酒官者傳觴時時而後殿操麻宮娥捧燭夫如是則才德須憑簪纓自勝起布素之卑位涉蓬瀛之上層白鳳辭高青帝之春華不若金鸞寵異皇王之密旨先承豈不以天假良時神資景福草元之客分進何晚題柱之人兮望何速曷若我不忤不求脫布衣而食天祿

星賦 闕

雷發聲賦

以起龍驚蟄天
道式宣為韻

化不可識春之倏生神不可測雷之忽鳴表陰陽之大信發天地之希聲俄青律之未分震區曷變俄洪音之一播品彙須驚豈不以上綰天樞下同地紀陰

之變兮將伏陽之開兮欲起過雲鼓雨殷南山而過
北山火穀風輪震百里而越千里浩浩闐闐神驚魂
顛冥濛而烏兔將墜動蕩而山河欲遽須臾走電赫
飛霆聯霹靂俄奔八表謂衝開下土轟耕繼作九州
疑裂破青天烈缺威催豐隆令急晴陽照兮凍冰洗
甘澤滴兮表朽濕幾處脅韶光淑氣振折羣芳數重
呀地戶坤維驚醒百蟄燭烜洪濛擎敞碧空香籠麗
景翠染東風去年之積冷淒寒皆令變暖昨日之枯
株槁木盡使駢紅則知春之榮雷於春而稟德秋之
落雷於秋而授職不然者何以動於此以為準止於
彼而作式聲之發也星辰將歷候咸移聲既收焉姦

動與芳菲並息駕電驅風高凌九重日兮月兮還我
化天兮雲兮塗我蹤時時而遠谷陰霾剗崩壘嶂往
往而寒澌煙雨吼拔潛龍則知雷發無遺春光自早
發聲而歲歲長在景光而人人自老不能火潛逆而
霹靂妖攸攸兮天道

寒賦

以色悴顏愁臣
同役也為韻

壬子歲大雪濛濛繁雲鏤空白日光沒樵溪脈窮地
洞涸而履不得天颼颼而飛不通庭蘭落翠桀樹摧
紅安處王乃去廣殿即深宮獸炭呀燭狐裘禦風頻
謂左右曰寡人今日之寒斯甚曷與下民而同憑虛
侯進言曰大王自恐嚴凝罔憂邦國下民將欲凍死

大王未有寒色王曰下民之理聞之可得對曰只如
負禦三邊彌年不還戍遠燕嶺衣單雁山鐵甲兵徹
金刀血殷風刮衰力砂昏少顏大軍之生死頻決上
國之英豪甚閑今則凍平遼水雪滿蕭關此戰士之
寒也王曷知其險艱至若荷鍤田里勞乎農事草荒
而來耜無力地冷而身心將悴賦役斯迫鋤耰何利
凍體斯露疏蓑莫庇東皋孰閑其耕耘北闕但寧其
祿位今則元律將結元冬已繼此農者之寒焉王曷
知其憂愧復有萬里辭親求名進身韜玉待價燃金
食貧賀清平於四塞冒霜霰於三秦北戶無席冬衣
有鷄韋偶乎勛華為主同思乎伊呂稱臣今則顯頊

威至元冥令臻此儒者之寒焉王曷知其苦辛別有
苦寒之者不能殫寫在臣說矣恐王煩也於時陽氣
收陰氣浮火井滅朔風愁千山之凍樹頻折八水之
凝波不流王乃閔征戰之勞命偃平兵革念耕之苦
命蠲乎徭役知儒者之寒命選於宗伯

伍員知姑蘇臺有遊鹿賦

闕

唐秘書省正字先輩徐公鈞礪文集卷第六

徐 寅 昭 夢 著

詩

長律八首

依御史溫飛卿華清宮二十二韻

地靈蒸水暖天氣待宸遊嶽拱蓮花秀峯高玉藥秋
朝元雕翠閣乞巧繡瓊樓碧海供驪嶺黃金絡馬頭
五王更入帳七貴迭封侯夕雨鳴鴛尾朝陽暎柘裘
伊臯爭負鼎舜禹讓垂旒墮珥閑應拾遺釵醉不收
飛煙籠劒戟殘月照旌旂存復朔求衣早臨陽解珮羞
宮詞裁錦段御筆落銀鈎帝里新豐縣長安舊雍州

雪衣傳貝葉，蟬鬢插山榴。對景瞻瑤兔，昇天駕綵虬。

此言遊後

月宮祿山

書陳北虜玄甲擐犀牛，聖誥多屯否。

生靈少怨尤，穹旻當有輔。悻悻豈無壽，鳳態傷紅艷。
鸞輿暖紫駟，樹名端正在。人欲夢魂休，誠悟山旁鬼。
塵銷隴畔立，重來芳草恨。往事落花愁，五十年鴻業。
東憑渭水流。

尚書命題瓦硯

遠向端溪得，皆因郢匠成。鑿山青竊斷，琢石紫花輕。
散墨松香起，濡毫藻自清。入臺知價重，著匣恐塵生。
守墨還全器，臨池早著名。春闈攜就試，軍幙載將行。
不獨

牌兼能助筆耕，莫嫌涓滴潤深染。古今情。

洗處無瑕玷。添時識滿盈。蘭亭如見用。敲戛有金聲。
尚書會仙亭詠薔薇聯句。寅坐中聯四韻晚
歸補緝所聯因成一篇

結綠根株翡翠莖。勾芒中夜刺猩猩。景陽粧赴嚴鐘
出。楚峽神教暮雨晴。躑躅豈能同日語。玫瑰方可一
時呈。風吹嫩帶香苞展。露灑啼思淚點輕。阿母榮宮
期索去。昭君榆塞闕。賁行藜。高恐礙含泥。燕架隱宜
棲。報曙鶯關日。只憂燒密葉。映階疑。讓雙旌。含煙
散。嬾佳人。惜落地。遺鈿少。妓爭丹。渥不因。輸繡段。錢
圓誰把買。聲海棠若要分。流品秋菊春蘭兩恰平。
和尚書詠泉山瀑布十二韻

名齊火浣溢山椒誰把驚虹掛一條天外倚來秋水
刃海心飛上白龍綃民田鑿斷雲根引僧園穿通竹
影澆噴石似烟輕漠漠澣崖如雨冷瀟瀟水中鱗緒
靚蒼壁日裏虹精絳霄寒漱綠陰仙桂老碎流紅
艷野桃天千尋練瀉年長在六出花開夏日消急恐
劃分青嶂骨父應裊裂翠微腰濯纓便可譏漁父洗
耳還宜傲帝堯林際猿猱偏得飯岸邊烏鵲擬爲橋
赤城未到詩先寄廬阜曾遊夢已遙數夜積霖聲更
遠郡樓欹枕聽良宵

自詠十韻

只合滄洲釣與耕忽依螢燭功成未遊宦路叨卑

宦纔到名場得大名梁苑二年陪衆客溫陵十載佐

雙旌錢財盡是侯王惠骨肉階承里巷榮拙賦偏聞

鐫印賣惡詩親見畫圖呈使宅行實四文樓赴宴詩圖

見每一倒翻多栽桃李期春色濶鑿池塘許月明寒

益食稠饒美寢出來車馬免徒行粗支菽粟防飢歎

薄有盃盤送迎僧俗共鄰棲隱樂妻孥同愛水雲

清如今便死還甘分莫更嫌他白髮生

東風解凍省試

暖氣飄蘋末凍痕銷水中扇沈初覺泮吹海旋成空

入律三春照朝空萬里通岸分天影濶色照日光融

波起輕搖綠鱗遊乍躍紅慙慙排弱羽飛翥趁和風

和僕射二十四丈牡丹八韻

帝王城裏看無故亦無新忍摘都綠借移栽未有因
光陰嫌太促開落一何頻羞殺登牆女饒將解佩人
藥堪靈鳳啄香許白龍親素練籠霞曉紅粧帶臉春
莫辭終席醉易老少年身買取歸天上寧教逐世塵
釣絲竹

翟翟拂清流堪維舫舫舟野蟲懸作餌溪月曲爲鈎
雨潤搖長風吹繞指柔若將諸樹比還使綠楊羞
蠶婦非堯女漁人是子猷湖邊舊栽處長映讀書樓
五言律詩二十一首

旅次寓題

胡爲名利役來往老關河白髮隨梳少青山入夢多
途窮憐抱疾世亂恥登科却起漁舟念春風釣綠波

釣臺

金門誰奉詔碧岸獨垂鈎舊友祇樵叟新交惟野鷗
嘉名懸日月深谷化陵丘便可招巢父長川好飲牛

贈嚴司直

承家居闕下避世出關東有酒劉伶醉無兒伯道窮
新詩吟閣賞舊業釣臺空雨雪還相訪心懷與我同
贈東方道士

蒟蘆窓畔掛是物在其閒雪色老人髭桃花童子顏
祭星秋日採藥晚登山舊放長生鹿時銜瑞草還

題僧壁

香厨流瀑布獨院鎖孤峯紺髮青螺長文茵紫豹重
邛枯皆化燕窩老却成蜂明月留人宿秋聲夜著松
和人經隋唐間戰處

孤軍前度戰一敗一成功卷旆早歸國卧屍猶臂弓
草閒腥半在沙上血殘紅傷魄何爲者五湖垂釣翁
追和常建嘆王昭君

紅顏如朔雪日燦忽成空淚盡黃雲雨塵消白草風
君心爭不悔恨思竟何窮願化南飛燕年年入漢宮

贈董先生

壽歲過於百時間到上京食松雙鬢嫩絕粒四支輕

雨雪思中嶽雲霞夢赤城來年期受錄何處待先生

河泚

洪流盤砥柱淮濟不同波莫訝清時少都緣曲處多
遠能通玉塞高復接銀河大禹成門嶮爲龍始得通

題南寺

久別猿啼寺泚年劫逝波舊僧歸塔盡古瓦長松多
壁鮮昏題紀窓螢散薜蘿平生英壯節何故旋消磨

北山秋晚

十載衣裘盡臨寒隱薜蘿心閑緣事少身老愛山多
玉露催收菊金風促剪禾燕秦正戎馬林下好婆娑

昔遊

昔遊紅杏苑今隱刺桐村歲計懸僧債科名負國恩
不書牋漸穩頻鑷髮無根惟有經邦事年年志尚勤
酒胡子

紅筵綠竹合用酒作歡娛直指寧偏黨無私絕覬覦
當歌誰袖應節旋輕軀恰與真相似趨裘滿額鬚
弔崔補闕

近來吾道少慟哭博陵君直節巖前竹孤魂嶺上雲
播紳傳確論丞相取遺文廢却中興策何由免用軍
平赤水李先生

三年悲過隙一室類銷冰妻病入仙觀子窮隨獄僧
荒丘寒有雨古屋夜無燈往日清猷著金門幾欲徵

香鴨

不假陶鎔妙誰教羽翼全
五金池畔質百和口中煙
紫鈍魚難馭心空火自燃
御爐如有闕須進聖君前

鷄

名參十二屬花入羽毛深
守信催朝日能鳴送曉陰
我冠裝瑞壁利爪削黃金
徒有稻粱感何田報德音

白鴿

舉翼凌空碧依人到大邦
粉翎棲畫閣雪影拂瓊窓
振鷺堪爲侶鳴鳩好作雙
狎鷗歸未得觀瀾憶靖江

龜

行止竟何從深溪與古峯
青荷巢瑞質綠水逐靈蹤

鑽骨神明應酬恩感激重仙翁求一卦何日脫龍鍾

銀結條冠子

日下徵良匠宮中贈阿嬌瑞蓮開二朶瓊縷織千條
蟬翼輕輕結花紋細細挑舞時紅袖舉纖影透龍綃

蜀葵

劔門南面樹移向會仙亭錦水饒花艷岷山帶葉青
文君慚婉婉神女讓娉婷爛熳紅蕪紫飄香入繡局
七言絕詩二十八首

鏡中覽懷

晨起梳頭忽自悲鏡中親見數莖絲從今休說龍泉
劔世上恩讐報已遲

楚國史

六國商於恨最多良弓休綰劍休磨君王不剪如黃
舌再得張儀欲奈何

張儀

荆楚南來又北歸分明舌在不應違懷王本是無心
者籠得蒼鷹却放飛

薔薇

朝露灑時如濯錦晚風飄處似遺鈿重門刺著黃金
鎖莫被非瓊摘上天

大夫松

五樹旌封許歲寒挽柯攀葉也無端爭如澗底凌霜

節不受秦皇亂世官

杏園

杏葉蕭聲好醉鄉春風嘉宴更無雙憑誰爲謔穆天子
莫把瑤池並曲江

蕉葉

綠綺新裁織女機擺風搖日影離披只應青帝行春
罷閒倚東牆卓翠旗

路旁草

楚甸秦原萬里平誰教根向路旁生輕蹄繡轂長相
蹋合是榮時不得榮

讀漢紀

布衣空手取中原
勁卒雄師不足論
楚國八千秦百萬
豁開胃臆一時吞

李夫人二首

不望金輿到錦帷
人閒樂極即須悲
若言要識愁中貌
也似君恩日日衰

又

招得香魂爵少翁
九華燈燭曉還空
漢王不及吳王樂
且與西施死處同

明妃

不用牽心恨画工
帝家無策及邊戎
香魂若得昇明月
夜夜還應照漢宮

馬嵬

二百年來事遠聞從龍誰解盡如雲張均兄弟皆何在却是楊妃死報君

依韻贈南安方處士五首

七貴五侯生肯退利塵名網死當拋黔婁寂寞嚴陵卧借問何人與結交

又

休 羸蹄踏雪霜書成何處獻君王嵩山好與浮丘約三十六峯雲外鄉

又

百萬僧中不爲僧比君知道僅誰能無家寄泊南安

疎六月門前也似冰

又

兩鬢當春却似秋
僻居諄近野僧樓
落花明月皆隨
水明月不沉花自沉

又

晉楚忙忙起戰塵
龔黃門下有高人
一畦雲薤三株
竹席上先生未是貧

依韻答黃校書

慈恩雁塔參差榜
杏花苑鶯花次第遊
白日有愁猶可
散青山高卧竟無愁

傷進士謝庭皓

獻書猶未達明君何事先遊岱岳雲惟有春風護寃魄與生青草蓋孤墳

聞司空侍郎下世

國綺生雖逢漢室巢由死不謁堯階八微夫君歿去何人墓合取夷齊隱處埋

偶題二首

買骨須求麒麟骨愛毛宜採鳳凰毛驚駘燕雀堪何用仍向人前價例高

又

賦就長安振大名斬蛇功與樂天爭歸來延壽溪頭坐終日無人問一聲

猿

宿有喬林飲有溪生來蹤跡遠塵泥不知心更愁何
事每向深山夜夜啼

追和賈浪仙古鏡

誰聞黃帝喬山冢明月飛光出九泉狼籍蘚痕磨不
盡黑雲殘點汙秋天

蝴蝶二首

不並難飛鬪裏蛾有花芳處定經過天風相送輕飄
去却笑蜘蛛謾結羅

又

冉冉雙雙拂画欄佳人偷眼再三看莫欺翼短飛長

近試就花間撲已難

新刺襪

素手春溪罷浣沙
巧裁明月半彎斜
齊宮合贈東昏寵
好步黃金菡萏花

釣磯文集卷第六

唐秘書省正字先輩徐公鈞璣文集卷第七

徐 夔 昭夢 著

詩

七言律詩五十二首

華清宮

十二瓊樓鎖翠微
暮霞遺却六銖衣
桐枯丹穴鳳何去
天在昆明湖龍不歸
簾影罷添新翡翠
露華猶濕舊珠璣
君王魂斷 且向蓬瀛伴貴妃

再幸華清宮

賜斷將軍改葬歸錦囊
香在憶當時
年來却恨相思樹
春至不生連理枝
雪女塚頭瑤草合
貴妃池裏玉

蓮衰霓裳舊曲飛霜殿夢破魂驚絕後期

髮髮

鬢添華髮數莖新羅雀門前絕故人減食爲緣疎五
味不眠非是守庚申深園竹綠齊抽笋古木蛇青白
脫鱗天地有爐長鑄物濁遺魂待陶鈞

喜雨上主人尚書

天皇攘袂救神龍而我公田兆歲豐幾日淋漓侵暮
角數宵滂沛徹晨鐘細如春霧籠平野猛似秋風擊
古松門下十年耕稼者坐來偏憶翠微峯

迎文詩二首

飛書一幅錦紋回恨寫深情寄雁來機上月殘香閣

掩

霏霏雨罷歌終曲漠漠雲深滿

酒盃歸日幾人行問卜徽音想望倚高臺

又

輕航數點千峯碧水接雲山四望遙晴日海霞紅靄
靄曉天江樹綠迢迢清波石眼泉當檻小逕松門寺
對橋明月釣舟漁浦遠傾山雪浪暗隨潮

不把漁竿

不把漁竿不灌園策筇吟遶綠蕪村得爭野老眠雲
樂倍感閩王與善恩鳥趁竹風穿靜戶魚吹烟浪噴
晴軒何人買我安貧趣百萬黃金未可論

古往今來

古往今來恨莫窮不如沉醉卧春風
雀兒無角長穿屋鸛鵒能言却入籠
柳惠豈嫌居下位朱雲直去指三公
閑思郭令長安宅草沒匡牆舊事空

十里煙籠

十里煙籠一逕分故人迢遞久離群
白雲明月皆由我碧水青山忽贈君
浮世宦名渾似夢半生勤苦謾爲文
北邙坡上青松下盡是銜金佩玉墳

偶書

巧者多爲拙者資良籌第一在來時
市門逐利終身飽谷口躬耕盡日飢
瓊玖鬻來中燕石蓬蒿芳處楚蘭衰
高皇冷笑重瞳客蓋世拔山何所爲

潤屋

潤屋豐家莫妄求，眼看多是與身讐。
百禽羅得皆黃口，四皓山居始白頭。
玉爍火光爭肯變，草芳崎岸不曾秋。
朱門粉署何由到，空寄新詩謝列侯。

退居

鶴性松心合在山，五侯門館怯趨旋。
三年卧病不能免，一日受恩方得還。
明月送人松驛路，白雲隨馬入柴關。
笑他范蠡貪欸甚，相罷金多始退閑。

閑門

閑却閑門卧小窗，更無人與療膏盲。
一生有酒唯和醉，四大無根可預量。
骨冷欲針先覺痛，肉頑頰炙不

成瘡潭濱伏枕文園渴盜跖蹤橫似虎狼

開窓

開戶開窓寢又興三更時節也如水長閑便是忘機者
不出真如遇夏僧環堵豈慚蝸作舍布衣寧假鶴
爲翎薔薇花盡薰風起綠葉空隨滿架藤

燈花

點蠟燒銀却勝裁九華紅艷吐玫瑰獨含冬夜寒光
折不傍春風煖處開難見只因能送喜莫挑唯恐墜
成灰貪膏附熱多相誤爲報飛蛾罷拂來

東歸出城留別知己

常蒙屈指許非才三載長安共酒盃欲別未攀楊柳

贈相留擬待牡丹開寒隨御水波光散暖逐衡陽雁
影來他日因書問袁颯東溪須訪子陵臺

詠懷

愁花變出白髭鬚半世辛勤一事無道在或期君夢
想貧來爭柰鬼椰榆馬卿自愧長嬰疾顏子誰憐不
是愚借取秦宮臺上鏡爲時開照漢妖狐

郊村獨遊

歲閨憐 層候遲出門惟與野雲期驚魚擲上綠荷
芰樓烏啄餘紅荔枝未路可能長薄命修途應合有
良時市頭相者休相戲戴膝先生半自知

經故翰林楊左丞池亭

八角紅亭陰綠池一朝青草蓋遺基
薔薇藤老開花淺翡翠巢空落羽
奇春勝幾昇門下客樂章多取集
中詩平生德義人間頌身後何勞
更立碑

經故廣平負外舊宅

門巷蕭條引淨溪遺跡三歲著麻
衣綠楊樹老垂絲短翠竹林荒著
笋稀杜結僧因秋朔予買書船近
葬時歸平生欲獻匡君策抱病猶
言未息機

潘丞相舊宅

綠樹垂枝陰四隣春風還是舊時
春年年燕是離梁主處處花隨落
月塵七貴竟爲長逝客五侯尋作
不歸人秋槐影薄蟬聲盡休謂龍
門待化鱗

門外閑田數畝長有泉源因築直堤分爲兩沼

左右登漪小檻前直堤高築古平川十分春水雙簷影一片秋空兩月圓前岸好山搖細浪夾門嘉樹合晴烟坐來暗起江湖思連問溪翁買釣船

北園

北園乾葉旋空枝蘭蕙還將衆草衰籠鳥上天猶有待病龍興雨豈無期身閑不厭頻來客年老偏憐最
小兒主事罷求名與利一意書策是年支

溪上要一隻白簞扇蓋頭垂釣去年就節推
侍御請之蒙惠一柄紫花紋者雖則鱗華具

甚紕薄不及清源所出因就南郡陳常侍請
之遂成拙句

難求珍筴過炎火遠就金貂乞月圓直在引風歌角
枕且圖遮日上魚船但令織取無花罽不用挑爲飲
露蟬莫道如今時較晚也應留得到明年

招隱

齒髮那能敵歲華早知休去避塵沙鬼神只闕高明
里倚伏不干棲隱家陶景豈全輕組綬留侯非獨愛
烟霞贈君言語堪銘座右看取朝開暮落花

憶山友

憶得當年接善隣苦將閑事強夫君闌開碧沼分明

月各領青山占白雲近日藥方多謬寫舊來詩草半
燒焚金門幾欲言西上惆悵關河正用軍

溪隱

將名將利已無緣深隱清溪擬學仙絕却腥羶勝服
藥斷除五酒合延年蝸牛殼陋寧同舍榆莢花開不
是錢鸞鶴久從籠檻閉春風却放紙爲鳶

酒醒

酒醒欲得適閑情騎馬那勝策杖行天暖天寒三月
暮溪南溪北兩村名沙登淺水魚知釣花落平田鶴
見耕望斷長安故交遠來書未說九河清

夢斷

夢斷紗窗半夜雷別君花落又花開漁陽路遠書難寄
衡嶽山高雁不來玄燕有情穿繡戶靈龜無應祝金盃
人生若得長相許螢火生烟草化灰

人事

人事飄如一炷烟且須求佛與求仙豐年甲子春無雨
良夜庚申夏足眠顏氏豈嫌瓢裏飲孟光非取鏡中妍
平生計何爲者三徑蒼苔十畝田

休說

休說人間有陸沉一樽閑待月明斟時來不怕滄溟濶
道大却憂潢潦深白首釣魚應是分青雲干祿已無心
梓桐賦罷相如隱誰爲君前永夜吟

嘉運

嘉運良時雨阻脩釣竿簑笠樂林丘家無寸白渾閑
事身似浮雲且自由庭際鳥啼花旋落潭心月在水
空流晨炊一筋紅銀粒憶著長安索米秋

綠髮

綠髮先生自出林並光同樂野雲深躬耕爲食古人
操非織不衣賢者心眼衆豈能分瑞璧舌多須信爍
良金君看黃閣南遷客一過瀧州絕好音

驕侈

驕侈貼危儉素牢鏡中形影豈能逃石家恃富身還
滅顏子非貧道不遭蝙蝠亦能知日月鸞凰那肯啄

腥臊古今人事惟堪醉好脫霜裘換綠膠

龍蟄

龍蟄蛇蟠却待申和光何惜且同塵伍員豈是吹簫者箕缺非同執耒人神紉觸星當變化良金成器在陶鈞穰侯休忌閹東客張祿先生竟相秦

又

休說雄才閒代生到頭難與運相爭時通有詔徵枚乘世亂無人薦禍衡逐日莫驚駕馬步司晨誰要北鷄鳴中林且作烟霞侶塵滿關河未可行

逐臭蒼蠅

逐臭蒼蠅豈有爲清蟬吟露最高奇多藏苟得何名

富飽食嗟來未勝飢窮寂不妨延壽考貪狂縱待算
毫釐首陽山翠千年在好奠冰壺乎伯夷

牡丹花

看徧花無勝此花剪雲披雪蘸丹砂開當青律二三
月破却長安千萬家天縱穠華剗鄙吝春教妖艷毒
豪奢不隨韓令同時信種霜松與辟邪

又

萬萬花中第一流淺霞輕染嫩銀甌能狂綺陌千金
子也惑朱門萬戶侯朝日照開携酒看暮風吹落遶
欄收詩書滿架塵埃撲盡日無人畧舉頭

尚書座上賦牡丹花得輕字韻其花自越中

移植

流蘇疑作瑞華精
仙閣開時麗日晴
霜月冷銷銀燭
焰寶甌圓印綵雲英
嬌含嫩臉春粧薄
紅蘤香綃艷色輕
早晚有人天上去
寄他將贈董雙成

依韵和尚書再贈牡丹花

爛銀基地薄紅粧
羞殺千花百卉芳
紫陌昔曾遊寺看
朱門今再遶欄相
龍分夜雨資驕態
天與春風發好香
多着黃金何處買
輕撓挑過鏡湖光

郡庭惜牡丹

腸斷東風落牡丹
爲祥爲瑞久留難
青春不駐堪垂淚
紅艷已空猶倚欄
積蘚下銷香藥盡
晴陽高照露

華乾明年萬葉千枝長陪芳菲借客看

追和白舍人詠白牡丹

蓓蕾抽開素練裳
攏葩薰出白龍香
裁分楚女朝雲片
剪破姮娥夜月光
雪句豈須徵柳絮
粉腮應恨貼梅粧
慙邊幾笑東籬菊
冷折金風待降霜

憶牡丹

綠樹多和雪霰栽
長安一別十年來
王侯買得價偏
重桃李落殘花始開
宋玉隣邊腮正嫩
文君機上錦初裁
滄洲春暮空腸斷
盡看猶將勸酒盃

惜牡丹

今日狂風揭錦筵
預愁吹落夕陽天
閑看紅艷只宜

醉謾惜黃金豈是賢南國好偷誇粉黛漢宮宜摘贈
神仙良時雖作鶯花主白馬王孫恰少年

覽柳渾汀洲採白蘋之什因成一章

採盡汀蘋恨別離鴛鴦鷓鴣總雙飛月明南浦夢初
斷花落洞庭人未歸天遠有書隨驛使夜長無燭照
寒機年來泣淚知多少重叠成痕在繡衣

司直巡官無諸移到玫瑰花

芳菲移自越王臺最似薔薇好並栽穠艷盡憐勝絲
繪嘉名誰贈作玫瑰春藏錦繡風吹折天染瓊瑤日
照開爲報朱衣早邀客莫教零落委蒼苔

梅花

瓊瑤初綻嶺頭葩
蕊粉新粧姹女家
舉世更誰憐潔
白癡心皆盡愛繁華
玄冥借與三冬景
謝氏輸他六出花
結實和羹知有日
肯隨羌笛落天涯

荔枝

朱彈星九粲日光綠
瓊枝散小香囊
龍綃殼綻紅紋栗
魚目珠涵白膜漿
梅熟已過南嶺雨
橘酸空待洞庭霜
蠻山蹋曉和烟摘
拜捧金盤獻越王

又

日日薰風卷瘴烟
南園珍菓荔枝先
靈鴉啄破瓊津滴
寶器盛來蚌腹圓
錦里只聞銷醉渴
藍宮惟合贈神仙
何人刺出猩猩血
深染羅紋過綬鮮

菊花

桓景登高事可尋
黃花開處綠畦深
消災辟惡君須
採
冷露寒霜我自禁
物早榮還早謝
澗松同德復
同心
陶公豈是居貧者
剝有東籬萬朶金

西松

澗底陰森驗筆精
筆閑開展覺神清
曾當月照還無
影
若許風吹合有聲
枝偃只應玄鶴識
根深宜與茯苓生
天台道士頻來見
說似株株倚赤城